

次日卿孺造其靖宣告前事真人恭對判官云此鬼自去年流毒於此方若非明所為公直果州之民三分死亡二矣卿孺懇請怒之鍾真人曰固當奉台命但康應見在獄府充太保當來虛靖天師亦收入地祇十將之第六人而掌瘟不平檢察太過昨今溫瓊收下今當以台旨怒之所收康應吏卒送溫都巡各杖一百放之其後王卿孺係奏鍾真人封為感惠真人朝廷以溫都巡不受國封特賜金錢沈香一介至如滅池州五顯香火之根本勦安慶掛車大王之吏兵斬通聖小官人逐洞庭劉小一破洪山漢陽之廟燒瘟司牛市之祠專任都巡報應甚速其他靈異未易枚舉後之人必能搜奇而記之廣其不速云地祇上將溫太保傳

溫太保傳補遺

虛白室養素下士黃公理纂集

溫將公忠正直既為獄神永護玄帝香火獄帝嘉之一日北帝降下瘟藥千丸於東嶽勅令遣使行瘟檢察世間不忠不孝殺生害命損物之人獄帝受詔召瓊行瘟瓊奉命領藥再三以思一丸之藥殺及千人千人之死害及于千家况氣候傳流借毒行疾又在此外餘殃及人何可數計甚失太上好生之德不若我以一身以代千人救得無限性命又何所恨乃仰天面北一吞而盡須臾腹痛身熱不可支持乃焚香直詣獄帝前變作一大猛鬼奏聞其事俯伏待罪適北帝勅下催督檢察獄帝只得直述溫瓊不職之罪奏聞北帝遂下右勝院督過玄帝嘉其用心保明奏上丐赦瓊之罪北帝可其請就勅令專奉玄帝命令開化誅魔由是威名愈震又見玉隆知宮曹可復自幼奉地祇秘法嘗於池陽行化州有五顯廟靈異甚著官殿甚都適有倅車交割以領之初攜累謁廟與帶側室同入殿

觀看瓊歸闕絕醫藥無所措手足入棺未殮吏輩告云有曹道人在市行符法甚靈倅令人召之曹至覽詞云惜過一日不能復生惟恐要考究是乃邪祟則可倅許之曹書符作法焚于棺側須臾棺之蓋板自起其死尸自棺中躍出而立聲喏於曹之前曹云此即攝到為禍鬼祟入附死尸不須驚駭待某訊問再三刑考方云我是本州五王廟第四位花光藏菩薩復問因何屢奪陽人魂命答曰死者入廟觀看時心中自謂世間安得有一良人生得如此好我見其妾念一與是以攝其冤鬼曹令放還神曰法官命令固不當遽然已過息了無如之何曹怒聲言欲奏上帝滅形神曰我是五嶽四瀆山川秀氣結成非他神比法官但絕我池州香火而已言訖死尸入棺如故曹令封殮卜日奉帝差瓊斬之遂稟倅車悉運泥像毀伐于教場中惟斬至第四位果見血流池州香火自此而絕曹之聲名因此而振其後領袖官法不肯妄行行則必驗扣之只溫將耳又蜀口有一縣有神

桐甚靈者累經國封能禍福人而寢殿深秘未嘗容人輒入欲入者神必祟之宰初到官心已懷疑因後其眷聚嬰疾咸歸咎於此神一日俾以他事檄巡尉領弓兵至廟乃威服藏祀作文諭之微其寢門帥衆排闥而入見一猴甚巨倉卒不能變化宰叱弓兵射而斃之遂焚其廟宰終始三年善解而去攜累以歸行至中途少憩旅邸因如廁忽覩路上迎神騎騎從者甚都及見所迎之神即向來射死廟中猴神相貌其神下轎作人語按劍而生呼左右擒宰叱一鬼使食啖之宰執執傍有人為解救曰不須食啖只請大王去他家做主其鬼使遂將宰拋棄於空中忽失身於曠野不知何地尋路數日方見有人問之則去家五千餘里日夕丐尋歸路不得惟探信州龍虎山欲投天師一念所至真靈護之得以不死越四年餘方探到信州未及入山見一道人叩之則曰我是虛靖先生宰叩頭下拜纔欲陳訴虛靖曰我已知之不煩到山明公在路有何生活可以度日答曰僅能謀命

虛靖遂授一鏡一令一鏡則令懸之於當心令則令繫之於左臂教之使去宰急急尋路如有陰護日行百餘里不倦越僅年忽然到鄉如有人引領到家及門一如虛靖之教仍只以謀命為辭神領長幼俱出觀其謀算神宰對語忽然鏡動以所授令一擊只見溫將軍自鏡躍出雷電交作黑霧黑風不可仰視良久開霽則擊死向來一巨猴及二猴子於一廳前宰具言其所以而家人方能記憶二猴子皆宰之妻妾所生惜不能記其名姓也頃年盧養浩來江西至臨江軍行化值蕭氏家患瘵懸賞募人救療養浩於慧力寺前考附每附一童躍入江月亭水中不復上岸眾皆疑信養浩再附一人遂持法官所執之劍亦直躍入潭中良久三人扛至一鮎魚頭上岸乃知正其為祟蕭之疾由是而愈盧語人曰未差溫瓊方得捷疾洪一庵行內臺鄴都得名携其徒鍾野雲到建寧府浦城縣牛田黃通鑰家遇其小女患顛邪驗之考附因仕於閩有邪名江郎名戴大婆為禍置獄在寺為

人踢破其祟走逸借搜邪神變為飛鴉猛虎圍繞寺外唬吼嗚噪諸法俱不能收伏後用十地祇方悉擒捕遂縛其祟過湖石厝沈沒法方滅其形以是知地祇專司溫將捷疾響應如此姑撫見聞以補前傳缺云

溫太保傳補遺